

KGOROTSHEKO E TIIŠETŠA GORE DIPUŠETŠO TŠA GO FOŠAGALA DI KA GOKETŠA DIKOTLO TŠA BOTŠHOTŠHIŠI BJA BOSENYI

Tshwane, 10 Oktobore 2023 – Khomišinare wa Ditirelo tša Motšhelo (SARS), Mrn. Edward Kieswetter o amogetše sephetho sa Kgorotsheko ya Boipiletšo ya Kgotlakgolo (SCA) ya go ganana le boipiletšo bja Mrn. Ketsise Motloung le Ba bangwe, ka ditefišo. Kgorotsheko e gabelletše ka gore go be go se na kholofelo ya katlego.

Molato wo mathomong o be o išitšwe kgorotsheko morago ga ge SARS e feditše ka oditi ya kgwebo, yeo e hweditšego gore mokgopedi o rometše pušetšo ya lefela ya bobedi Motšhelo wa Boleng bja go Tlaleletšwa (VAT) le Motšhelo wa Letseno la Mong (CIT) yeo e bego e ngwadišitšwe le SARS, mola e be e le gare e gweba gape e dira letseno gape e tšweletša ditshenyagelo.

Sepheho sa SCA se tlhatsela sephetho sa moragorago sa Kgorotsheko ya Godimo ka go thekga SARS, yeo e tiišeditšego taolelo ya Kgorotsheko ya Selete ya mabapi le kgetsi ya go efoga motšhelo ka maikemišetšo kgatlhanong le bagkopedi.

Go nyakišišo ya molato wo, SARS e hweditše gore tshedimošo yeo e rometšwego ke molefela motšhelo e be e fošagetše. SARS e tšwetše pele go romela poelo ya dinyakišišo go bagkopedi morago ga moo ya romela dikotlo tša taolo ya motšhelo. Mokgopedi wa bobedi o amogetše dipelo tša dinyakišišo le dikotlo gomme a rerišana le SARS eupša a lwantšhana le tšhupetšo ya molato gore o sekiwe bjalo ka molato wa bosenyi. Bagkopedi ba lwantšhitše gore se se bakile dikotlo tša go pedifatšwa gomme dipeelo tša Molao wa Taolo ya Motšhelo ga se di sepetšwe go ya ka molao ka go dumelela gore bagkopedi ba lefišwe gabedi, ba lefišeditšwe kotlo ya taolo le bosenyi bakeng sa molato o tee. Kgorotsheko e hweditše gore ga go na moputso ngangišanong ye gomme e laoletše go rarelela SARS, morago ga fao, bagkopedi ba ile ba fetišetša molato go SCA.

Khomišinare wa SARS Edward Kieswetter o retile sephetho sa kgorotsheko sa molato wo. “Balefela motšhelo ba ba ntši ba diriša gampe mokgwatšhomo wa go romela lefela goba dipušetšo tša go fošagala, mola ba fihla ditiragalo tša nnete tša dikgwebo tša bona. Sepheho sa dikgorotsheko se tiišeditše gore setlwaedi se sa go dira taodišo ya go fošagala ka maikemišetšo ga se tlolo fela ya molato, eupša ke bosenyi.” Poelo ye ya dinyakišišo e tloga e thekga dinyakišišo tša godimo tša tlhokomelo tšeo di dirilwego ke SARS tša efogo ya balefela motšhelo gape le gore e tšeere magato ka nepo le go lefiša kotlo ya go se laodiše nnete bakeng sa go tlola molao le tšhupetšo ya go latela ya tshekišo ya kahlolelo ya ditiragalo tša bosenyi kgatlhanong le fisikase. SARS e tla tšwelapele go šoma ka thata go hlomara bao ba tšwelago pele go se obamele ka bomo melao ya motšhelo. Se se tla dirwa ntle le go fiega, rarela goba go kgetholla

Go hwetša tshedimošo enngwe, ikgokaganye le SARS go SARSMedia@sars.gov.za